



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Ecclesiasticorum Vita, Moribus, Officiis Libri Tres

Schevichavius, Gisbertus

Mogvntiae, Anno M.DC.XXI.

Capvt XXXVIII. Svperiorvm Contra Lvxvriam vationum compendium &
addidamentum.

urn:nbn:de:hbz:466:1-42349

CAPVT XXXVIII.

SUPERIORVM CONTRA LVXURIAM
rationum compendium & addi-
mentum.

§. **P**LVRI MA tribus antegressis capitibus à turpitu-
dine auocamenta proposita sunt. 1. quod hoc fla-
gitiosum crimē maximē sit probrosum & infame, nec
lucem ferat, aut hominum conspectum, quare & Apo-
stolus tenebrarum opus appellat. Rom. 13. v. 12. S. Bern.
serm. 2. de Resur. Dom. Qui fornicatur, ait, in corpus suum pec-
cat, magno illud priuans honore & pauendo addicens, pudendo-
que dedecori. Cuius rei causa est, quod hominem ad bel-
luinam conditionem abijciat, vt omnia sensu & carna-
li cupiditate & voluptate, quæ nobis cum bestiis com-
munis est, non ratione metiatur, vt docet S. Thom. 22.
q. 156. art. 4. c. ex Aristot lib. 7. Ethic. cap. 6. Agnouit &
Cicero cum scripsit in Officiis. Si considerare velimus,
ait, quæ sit in natura hominis dignitas & excellentia, intelli-
mus, quam sit turpe defluere luxuria, delicate ac molliter viue-
re: quamque honestum parcē, continenter, seuere, sobrie. Qua-
propter & voluptuarij illi comparantur equis & mu-
lis. Psalm. 31. versiculo nono. Jeremiæ 5. versic. 8. cani-
bus & suis. Prouerb. 26. v. 12. 2. Pet. 2. v. 22. Apoc. 22.
vers. 15.

Humana
natura præ-
stantiam su-
mopere de-
decet luxu-
ria.

§ 2. Quod omni olerio spurcius nostrum comma-
culet corpus, 1. Cor. 6. v. 18. Siquidem haud aliter ait
S. Chrysost. homil. 18. in 1. Corinth. sordescit fornicatione cor-
pus, quam quid in lebetem immundum infusum contagione ir-
fuitur. qua de causa & immunditiam appellat Aposto-
lus Ephes. 5. ver. 3. Gal. 5. v. 19 S. Abbas Pachon, vt apud
Palladium in historia Lausiaca capit. 29. cum dæmoni
specie puellæ Æthiopissæ, quam in iuuentute viderat,
Ec 4 genibus

Non modo
mentem, sed
& carnem
turpat lu-
xuria.

genibus suis insidenti colaphum infregisset, biennio, inquit non poteram ferre manus meæ factorem.

*Christianorum
luxuria in
Deum sacri-
lega, & qui-
dem duplici-
ter in Ecce-
lesiastico.*

*Luxuria
Christo op-
probrium.*

§ 3. Quod rem suam Deo eripiat ipsiusque Maiesta-
ti in baptismo dedicatam non sine sacrilegio suffure-
tur, 1. Cor. 6. v. 13. Quod sacrilegium Ecclesiastici luxu-
rioli duplicant, ut qui & nouo castitatis voto in S. Or-
dinis Sacramento se Deo obligarunt, & consecra-
runt.

§ 4. Quod seipsum Christi Domini mēbrum faciat
membrum scorti, tantoq; probro & dedecore ipsum
Christum Dei filium afficiat, 1. Corint. 6. v. 15. Nihil hoc
verbo, ait S. Chrysost. l. c. horribilius. Et non dixit: Tollens ergo
membra Christi, cōiungam meretrici, sed faciam membra me-
reticis? Quod magis tangit. Animaduerte cuiuserant, & cui-
us facta sunt, & veliste cōinere. Ante mēbra meretricis fuerāt,
& ea Christi proprii corporis membra reddidit. Non ergo eo-
rum amplius habes potestatem, illi seruias, qui te liberauit. Ne-
que enim, si filiam haberes, & tanta esses amentia, ut eam le-
noni locares, & meretrix efficeretur, inde regis filius eam con-
spectam, tam turpi liberaret seruicute, & sibi matrimonio con-
iungeret, iterum eam in fornicem adducere possis, quippe qui se-
mel dedisti, semel vēdidisti. Huiusmodi nostra est causa. Loca-
uimus carnem nostram diabolo lenoni grauissimo: quod quoniam
Christus animaduerneret, eam eripuit, & à seua illius tyranni-
de liberauit. Iam igitur nostra non est, sed eius, qui eam in liber-
tatem vendicauit.

*Luxuria in
Spiritus S.
contume-
liosa.*

§ 5. Quod Spiritus sancti templum profanat & de-
struat, 1. Cor. 6. v. 19. Et ut ait idem Apostolus 1. Cor. 3.
vers. 17. Si quis templum Dei violauerit, disperdet illum Deus.
Templum enim Dei sanctum est, quod estis vos. S. August. libro
de decem chordis c. 10. docet, fornicatorem in Deum
peccare, quia pluri facit hominem quam Deum, quia
corrumpit imaginem Dei, quæ ipse est, sicut rex putat
iniuriam & contumeliam sibi factam, si ipsius lapide-
tur imago, quia hoc iussit, hoc præcepit Dominus, ne
per

per illicitas voluptates corruat templum eius, quod esse cœpisti. Non vis corrumpi domum tuam, quare corrupis domum Dei? Idem S. August. serm. 16. de verbis Domini capite 10. Si eligeres, inquit, in Ecclesia facere adulterium intra istos parietes, quid te esset sceleratius? Modo autem tu ipse es templum Dei. Vide quid agas, vide ne offendas templi habitatorem, ne deserat te, & in ruinam vertaris. Et S. Chrysost. homil. 18. in 1. Corinth. Membra Christi estis, inquit, templum estis Spiritus. Quare nolite facere membra meretricis: Non enim corpori vestro contumeliam facitis, quia non vestrum corpus est, sed Christi. Nam si alienum corpus est, non habetis potestatem ut alienum corpus iniuria afficiatis, inquit, & maxime quum sit Domini, neque Spiritus sancti templum maculandum est. Nam si quispiam priuatam domum ingressus, & illam ignominia afficiens, ultimum dabit supplicium: qui Regis templum speluncam latronum fecerit, intelligas velim, quot mala perpetratur? His igitur consideratis, eum qui in nobis habitat, reuerere, quippe qui consolator est, & tibi coniunctum & inherenter timeas, Christus enim est.

*Luxuria in
Christum
iniuriosa.*

§ 6. Quod sanguine Christi emaculatos non deceat acceptam animi puritatem & nitorem, tam nefario scelere fœdare, 1. Corin. 6. v. 20. Si contemnis corpus tuum, inquit S. August. serm. 16. de verbis Domini cap. 10. considera pretium tuum. Et serm. 250. de tempore idem S. August. Quanta, ait, iniquitas, & quam lugenda peruersitas, ut animam quam Christus suo sanguine redemit, luxuriosus quisque propter vnius momenti delectationem libidinis diabolo vendat? Verè enim nimium plangenda & miseranda conditio est, ubi cito praterit quod delectat, & per diabolum in cruce manet, sine fine quod cruciat. Sub momento enim libidinis impetus transit, & opprobrium infelicitis anima permanet.

Luxuria sanguinem testamenti pollutum ducit in quo sanctificatus est. Hebr. 10. v. 29.

§ 7. Quod nullum cum lasciuo & impuro homine commercium habendum, 1. Corin. 5. v. 11. nec sermone vlla vsurpanda immunditia, Ephes. 5. v. 3. tantus huius viti horror in Christiano pectore insidere debet.

Ee 5

§ 8. Quod

§ 8. Quod de luxuria diffluentibus dira per sepe supplicia etiam hoc in mundo sumperit Deus, 1. Cor. 10. v. 8. Collos. 3. v. 6. vt videre est Genes. 7. vbi penitus orbis aquarum inundatione submersus est, Gen. 19. pentapolis cœlesti igne conflagrauit Genes. 34. Sichemita contrucidati, Num. 25. v. 8. 9. interfecti 24. millia, Judic. 20. tota ferme tribus Benjamin occisa. Exempla plura in Dauide, & eius filiis Ammone, Absalone, Salomone.

§ 9. Quod incontinentes sempiterni ignis & cruciatus pœnas sufferant, Matth. 5. v. 29. 30. 1. Cor. 6. v. 9. Ephes. 5. v. 5. Gal. 5. v. 19. Apoc. 21. v. 8. Fornicatoribus pars erit in stagno ardente igne & sulphure, quod est mors secunda. Et cap. 22. v. 15. Foris canes & impudici, &c.

CAPVT XXXIX.

HORRIBILIS ADVERSVS IMPVROS
Sacerdotes iusti Dei vindicta.

Sacerdos
ad turpitu-
dinem alios
prouocans
miserè in-
terit.

§. ALIQA hic commemorabo exempla, vt Ecclesiastici felices fiant, quos faciant aliena pericula cautos. S. Gregor. lib. 2. Dialogorum cap. 8. memoria prodidit, quod presbyter Florentius inuidia tabescens, venenatum. S. Benedicto panem specie benedictionis & amicitiae miserit, & quod ille fraudem cognoscens eum per coruum in remotum locum abijci curauerit. Sed prædictus Flor. n. ius, inquit, quia magistri corpus necare non potuit: se ad extinguendas discipulorum animas accendit: ita vt in horto cella, cui Benedictus inerat, ante eorum oculos nudas septem puellas mitteret: quæ coram eis sibi inuicem manus tendentes & diutius ludentes: illorum mentes ad peruersitatem libidinis inflāarent. Quod vir sanctus de cella conspicuens, lapsusque adhuc tenerioribus discipulis pertimescens, adque pro sua satius persecutione fieri pertractans: inuidia locum dedit, at-

Vritq̃, vi-
dendo fa-
mina.